



UTAUA-TSHISHE-UTSHIMAT
INNU-AKUSHIUTSHUAP
TAKUAIMATUN

Tshetshi natuenitakanit tshetshi katshitinakanit shuniau shash shenakanu tshetshi takuaimateti innu-tshishe-utshimau-akushiutshuapa

Anitshenat natu ka ishpitikuht utinniunnuat, anite innu-tshishe-utshimau-akushiutshuapa ka taht, tshipa tshi katshitinamuat shunianu

Utuaat (Ontario-assit) I 27 tshishe-pishim^u 2026 — Shash shenakanu ne ka natuenitakanit shuniau tshetshi takuaimateti innu-tshishe-utshimau-akushiutshuapa. Tshipa tshi shash natuenitakanu tshetshi katshitinak auen shunianu natu ka ishpitikut umitunenitshikanit, anite e aimiakanit, ka ushikuiakanit uiat kie/kie ma ut tshi matshi-tutuakanit, anite mekuat ka taht nenua innu-tshishe-utshimau-akushiutshuapa anite nenua pipuna ka tshimatat nenua akushiutshuapa ue Kanata-tshishe-utshimau.

Ne takuaimatsheun, ue ka tapuetak Kanata-Kauaueshtakanit uapikun-pishimua 2025, uapatam^u tshetshi patshitinak shunianu 10 000\$ nuash 200 000\$, e tshitapatakannit nenu ka ishpush nekatshiuht.

Ne takuaimatsheun apu uapatakanit anite mishkut tshetshi patshitinakanit shuniau miam ut tshi pataikanit anite natukun-atusseunit, iapit nenua netuenitakanniti tshetshi katshitinak auen shunianu nenua kiatshitaishemakaki auen ka aitutuakanit tshetshi natukuiakanit. Iapit apu katshitaishemakaki nenua netuenitakanniti auen tshetshi katshitinak shunianu, nenua e uitakaniti akushiutshuapa ka meshinataikaniti [anite D](#) eshkushtet nishitutatan ute takuaimatsheunit.

Anitshenat mamu ka taht nenu kiatshitaukuht, nuash 27 Shetan-pishimua 2028 minakanuat tshetshi netuenitahk tshetshi katshitinahk shunianu.

Innu-tshishe-utshimau-akushiutshuapa mishue tshimatapan ue Kanata-tshishe-utshimau anite ut 1936 pipunnu nuash 1981 pipunnu. Anitshenat ka pitukaiakaniht anite nenua akushiutshuapa ka mishta-ishpitikuht umitunenitshikanit, e aimiakaht, ka ushikuiakaniht uiauat kie/kie ma e matshi-tutuakaniht.

« Kashikat eukuan ka mishta-itenitakuak, uesh eukuan e shenakanit tshetshi natuenitak auen tshetshi katshitinak shunianu, anitshenat kiatshitauakaniht tshika tshi anutshish natuenitamuht tshetshi katshitinahk shunianu », issishueu ue Doug Lennox, kaimisht anite Klein Lawyers, s.r.l kie uin uanakanit kie pemipanitauat kaimishiniti utaimunnu anite mamu eshi-taht. « Tau auen e uauitshiaushit eka e tshishikashunanut tshetshi uauitshiakaniht auenitshenat tshetshi nishitutahk eshi-takuannit anite takuaimatsheunit, tshetshi natuenitahk tshetshi katshitinahk shunianu mak tshetshi natuapatahk tshetshi uauitshiakaniht tshetshi minuenimuht umitunenitshikannuat mak tshetshi etatu minuenimuht. »

Takuaimatsheun e uauitakanit

Takuaimatsheun nikan uapatam^u tshetshi nishuait ishi-takuaimatenit :

- peik^u Shuniau-natukuitishun 150 000 000 \$ itapashtakanu tshetshi ut auen uitshiakanit ua natukuitishut, tshetshi minuenimut, iapit tshetshi tshishpeuatakaniti innu-aimuna, katshishkutamatunanut mak tshetshi nanitam tutakanit tshekuan tshetshi ut eka nita uni-tshissinanut;
- peik^u Shuniau-kananatuapatitshenanut mak tshetshi nanitam tutakanit tshekuan tshetshi ut eka nita uni-tshissinanut, ne shuniau 235 500 000 \$ tshika itapashtakanu tshetshi uauitshiaushinanut anite nanatuapatitshenanut, katshishkutamatunanut, tshetshi minu-kanuenitakanit innu-tshishe-utshimau-akushiutshuapa tipatshimun mak anite tekuaki nikuashkana kiatshitaishemakaki anite nenua akushiutshuapa.

Aimun ka pimipanitakanit I Uenuipanitakanit ne tshetshi natuenitakanit tshetshi katshitinakanit shuniau

Takuaimatsheun iapit nikan uapatam^u tshetshi amatshuapanitakanit shuniau 150 000 000 \$ anite nenua shash tekuaki Ka aitutuakaniht Innuat Kanata-assit, tshetshi ut uitshiaushiht Minueniun e uitakanit mak tshetshi minuenimuht anitshenat mamu ka taht tshe ishpish ne uauetashtakanit takuaimatsheun.

Auen tshipa tshi natuenitam^u tshetshi katshitinak shunianu

Anitshenat muk^u ushkat ka taht uinuau eshinakuannit tshetshi natuenitahk tshetshi katshitinahk shunianu tatipan. Tshipa tshi katshitnamuat miam :

- Ut tshi kanuenimakaniht anite innu-tshishe-utshimau-akushiutshuapa meshinataikaniti [anite eshkushtet D](#), anite mekuat ue Kanata-tshishe-utshimau ka tshimatat;
- ut tshi mishta-ishpitikuht umitunenitshikanuat, e aimiakaniht, ushikuiakaniht uiauat kie/kie ma ka matshitutakaniht anite ishpish ka taht.

Tshipa tshi ishpanu iapit, peik^u ne innu-tshishe-utshimau-akushiutshuap tshetshi ait ishinikatet. Kassinu mashinataikanua, ashit nenua kutaka eishinikateti mak tanite ka tshimateti, kie tshi natshi-uapatakanua anite www.IHSettlement.ca/fr.

Eshi-ashu-patshitinakaniti anitshenat ushkat ka taht eka ka inniuh 25 tshishe-pishimua e tshishtuakanniti 2016 kie ma katshi nenu tshishtuakanniti, iapit tshipa tshi natuenitakannu tshetshi katshitinakaniti shunianu anite ut e tshitapatakanit eshi-pimutenanut ka ashu-patshitinakanit matshunish.

Mamu ka taht uikanishimat apu anitshenat katshitaukuht umenu tshetshi tatipan auen katshitinak shunianu. Kassinu anitshenat mamu ka taht tshika katshitaukuht nenu atusseunnu tshe tshimatakanniti mak etatu tshetshi uauitshiakaniht.

Tshe minu-uauitshiakaniht mak tshetshi minuenmunanut

Kupanieshat shetshen uauitshieuat auennua tshetshi ut pessish nashuaht nenu tshe ishpish atushkatenit netuenitahk tshetshi katshitinahk shunianu, uinuau eshpishipaniht.

- Kauauitshiaushiht tshetshi katshitinakanit shunianu tshipa tshi ishi-uauitshiaushiht tshetshi nishtutakannit nenu eshi-pimutenanut mak eshi-shakassinitakanniti mashinaikanuianu tshetshi katshitinakanit shuniau.
- Kauauetashuapatak nenua netuenitakanniti tshetshi katshitinakanit shunianu, tshika tshi nanitam patshitinam^u tanite miam piapananut nenu ka natuenitakannit tshetshi katshitinakanit shunianu, tshika tshi patshitinam^u kueshte aimunu eshpishipannit ne ka natuenitakanit tshetshi katshitinakanit shuniau mak tshetshi uitamuat nenua tanite tshipa tshi itutenua tshetshi uauitshiakanniti, iapit e uinakaniht kaimishiht mamu ka taht.
- Kaimishiht mamu ka taht ishpishiat, eka e tshishikashunanut, tshetshi kueshte aimunnu patshitinahk kauaeshtakanit e uitakanit ne ut takuaimatsheun mak eshi-pimutenanut tshetshi natuenitakanit tshetshi katshitinakanit shuniau.
- Anitshenat netuenitahk tshetshi katshitinahk shunianu uinuau tshika naushunamuat ui uitshikushitau nenua kaimishiniti. Uin nenu auen naushunam^u, apu natuenitakanit tshetshi auen taniti ukaimishima tshetshi natuenitak tshetshi katshitinak shunianu. Tauat shetshen tshe uauitshiaushiht. Ne netuenitak tshetshi katshitinak shunianu ui uitshikushit ashit nenua kaimishiniti mak katshitinaki shunianu, nenua kaimishiniti ka uitshikut tshipa tshi natuenitamaku tshetshi tshishikuat, ue Kanata-tshishe-utshimau tshe tshishikashut.
- Uauitshiakanu auen etamatshiut kie tshetshi minuenimut 24 :00/24 :00 tatutipaikana, *Ligne d'écoute d'espoir pour le mieux-être* (kaiminanut eshi-uitakanit tshetshi aieshkuenitak mak tshetshi ut minuenimut auen), ute tshika matuetitau 1 855 242-3310 kie ma anite atusseu-katshitapatakanit www.EspoirPourLeMieuxEtre.ca. Ka uauitshiakanit auen eka e tshishikashunanut, eka ka mishuepanitakanit aimun, ishi-patshitinakanu ne uauitshiun anite mishtikushiu-aimunit, akaneshau-aimunit, *cri*-aimunit, *ojibwé*-aimunit mak aissimeu-aimunit, patush ne natuenitakanit nenu.

Aimun ka pimipanitakanit I Uenuipanitakanit ne tshetshi natuenitakanit tshetshi katshitanakanit shuniau

Tan eshi-pimutenanut tshetshi ne natuenitakanit ui katshitanakanit shuniau

Anu uet uetak mak e tshinipinanut e natuenitakanit tshetshi katshitanakanit shuniau, ekute anite ut atusseu-katshitapatakanit

www.IHSettlement.ca/fr. Lapit tshipa unuipanitakanu ne mashinaikanuian ka shakassinitakanit netuenitakanit tshetshi katshitanakanit shuniau anite ut atusseu-katshitapatakanit kie ma tshetshi natuenitakanit ne ka akunakanit mashinaikanuian anite netuenitakanit ume etashtet : 1 888 592-9101.

« Apu uesha tshika ut nenu tutahk e peikussiht », issishueu ue Steven Cooper anite Cooper Regel s.r.l mak ue ka pimutauat utaimunnua kaimishiniti anite mamu ka taht. « Ui uitshikushin tshetshi katikatip nishtutamin, tshetshi mamushtain eshi-natuenitamakauin tshakuan kie ma tshetshi shakassinitain mashinaikanuian netuenitakanit tshetshi katshitanakanit shuniau, tauat kauauitshiaushiht mak takuana kutaka eshi-uauitshiaushinanut. Muk^u eshpishipanit auen. »

Anu ui tshissenitamin kie ui uitshikushin

Uapatamuk^u ume www.IHSettlement.ca/fr, mashinatautishuk^u tshetshi tshissenitiamek^u tanite piapannanut, anite ut atusseu-katshitapatakanit kie ma kaiminanut eka e tshishikashunanut ume etashtet 1 888 592-9101 (etatushkanut, 8 :00 nuash 20 :00 tatutipaikana, Mami tipaipishimuan, mauat uin menashtakaniushteti). Lapit tshipa tshi mashinaishenau anite GenerallInfo@Contact.IHSettlement.ca.

TSHETSHI PIMIPANITAKANIT AIMUN ANITE KANATUTAKANIT

Tshetshi natuenitakanit tshetshi katshitanakanit shuniau shash shenakanu.

Anitshenat ka mishta-ishpitikuht umitunenitshikannuat, e aimiakaniht, ka ushikuiakaniht uiauat kie ma katshi matshitutakaniht anite mekuat e taht innu-tshishe-utshimau-akushiutshuapit, ue ka tshimatat Kanata-tshishe-utshimau, tshipa tshi anutshish natuenitamuat tshetshi katshitanak shunianu.

Takuaimatsheun ue ka tapuetak Kauaueshtakanit uapatam^u tshetshi tshishikashunannut 10 000 \$ nuash 200 000\$, e tshitapatakanit nenu ka ishpish nekatshikanit. Nenua netuenitakaniti tshetshi katshitanakanit shuniau tiapataki anite natukun-atusseunit, apu nenu pitutepaniti ute.

Tshika uauitshiakanu auen eka e tshishikashunanut ne tshe ishpish atushkatet, anite nenu ka uauitshiaushiniti tshetshi katshitanakannit shunianu, kaimishiniti anite mamu ka taniti kie ma anite ka uauitshiakanit auen umitunenitshikanit.

Anu ui tshissenitamekui : www.IHSettlement.ca/fr kie ute tshika matuetitau 1 888 592-9101.

-30-

Demandes de renseignements des médias

Louis Payette, Castlemain

Media-IH@IHSettlement.ca

1 647 295-1075